

§. 2. Dum enim corpora sanguine plena sunt, ac nimia ejus copia turgida; pulsus etiam turgide & celeriter cum vehementia & duritie rigida pulsant; atque morbi peracuti sunt, cum inflammatione praecipue nobilium locorum, qualis phrenitis est et apoplexia, angina atque Cynanche, pleurae etiam & ipsorum pulmonum, atque viscerum reliquorum inflammatio; modo sint genuinae, & a causa sanguinea ortae, quae a locis affectis, & a febre continua nimisque vehemente, aperte praecognoscuntur, ac praecipue a causis efficientibus; dum talia dico symptomata adsunt, quis non promte & absque metu venam secabit? In istis enim si quis venam tempestive fecet, in principio nempe morborum, non fero, magnum emolumentum per hanc evacuationem adfert. Sanguinem etenim rubrum redundantem, atque ad inflammationes e tergo influentem, aut & viscera mollia comprimentem, vel eum, qui vasis angustioribus compactus stasin pessimam & inflammationem omnino efficit, exhauriens, causam efficientem illorum tollit, quae est apta morborum medicatio,